

UNIVERZITET U SARAJEVU  
FAKULTET POLITIČKIH NAUKA  
CENTAR ZA CJELOŽIVOTNO UČENJE

Na osnovu člana 65. Zakona o obrazovanju odraslih Kantona Sarajevo ("Sl. novine Kantona Sarajevo, broj: 40/15) i člana 92. Statuta Univerziteta u Sarajevu, na sjednici Vijeća Fakulteta, održanoj dana \_\_\_\_\_ usvojen je

**PRAVILNIK O RADU CENTRA ZA CJELOŽIVOTNO UČENJE FAKULTETA  
POLITIČKIH NAUKA UNIVERZITETA U SARAJEVU**

**Član 1. – Osnivanje Centra**

Centar za cjeloživotno učenje Fakulteta političkih nauka Univerziteta u Sarajevu osnovan je Odlukom Vijeća Fakulteta političkih nauka Univerziteta u Sarajevu broj 02-1-805-1/16 od 16.11.2016.

Programsko Vijeće Centra imenovano je Odlukom Vijeća Fakulteta političkih nauka Univerziteta u Sarajevu broj 02-1-290-1/17. Od 11.04.2017.

**Član 2. – Vizija i misija Centra**

Centar za cjeloživotno učenje Fakulteta političkih nauka Univerziteta u Sarajevu je dio strateških planova razvoja FPN i kao takav usmjeren je na organiziranje programa obrazovanja odraslih, odnosno kratkoročnih non-degree programa profesionalnog usavršavanja diplomiranih, bachelor i master studenata (alumni) Fakulteta političkih nauka Univerziteta u Sarajevu, kao i drugih srodnih fakulteta, treninga usmjerenih na profesionalno usavršavanje i osnaživanje kompetencija svih zainteresiranih potencijalnih polaznika, a iz oblasti kojima se u svojoj osnovnoj djelatnosti bavi Fakultet političkih nauka Univerziteta u

Sarajevu (oblasti iz domena koje pokriva pet maričnih odsjeka FPN: sociologija, politologija, komunikologija, socijalni rad i sigurnosne i mirovne studije).

Centar za cjeloživotno učenje Fakulteta političkih nauka Univerziteta u Sarajevu služi i kao organizacijska jedinica za organizaciju i provedbu ljetnih i zimskih škola za studente FPN i ostale zainteresirane polaznike, u saradnji sa drugim organizacijskim jedinicama Univerziteta u Sarajevu, te drugim bosanskohercegovačkim i inozemnim obrazovnim ustanovama, te organizaciju konferencija, seminara, okruglih stolova itd.

### **Član 3 - Aktivnosti Centra**

Aktivnosti Centra za cjeloživotno učenje Fakulteta političkih nauka Univerziteta u Sarajevu uključuju planiranje, izradu i provođenje programa cjeloživotnog učenja profesionalaca u području socioloških istraživanja, upravljanja državom i javnih poslova, međunarodnih odnosa i diplomacije, novinarstva, odnosa s javnostima, socijalnog rada, te sigurnosti, a koje nisu dio redovne djelatnosti Fakulteta političkih nauka Univerziteta u Sarajevu, odnosno programa stručnog usavršavanja kojima se ne stiču ECTS bodovi (radionice, seminari, ciklusi predavanja, kursevi, ljetne i zimske škole, okrugli stolovi, seminari i konferencije i sl.).

### **Član 4. – Programska orijentacija Centra**

Programi Centra za cjeloživotno učenje Fakulteta političkih nauka Univerziteta u Sarajevu bazirani su na načelima cjeloživotnog učenja, definiranim Zakonom o obrazovanju odraslih Kantona Sarajevo, te se kao takvi ne smatraju studijem (u smislu Zakona o visokom obrazovanju Kantona Sarajevo).

Programi Centra za cjeloživotno učenje Fakulteta političkih nauka Univerziteta u Sarajevu spadaju u kontekst formalnog obrazovanja (prema članu 9 Zakona o obrazovanju odraslih KS), budući im je nosilac registrirana ustanova za formalno obrazovanje (Fakultet političkih nauka Univerziteta u Sarajevu), ali se ne smatraju formalnim degree programima, te će se, u tom smislu, polaznicima programa dodjeljivati Certificati o učešću u programu cjeloživotnog učenja Fakulteta političkih nauka Univerziteta u Sarajevu, sa jasno naznačenim nazivom, trajanjem, voditeljem programa, te listom ostvarenih kompetencija.

## **Član 5. – Aktivnosti Centra**

Aktivnosti Centra za cjeloživotno učenje Fakulteta političkih nauka Univerziteta u Sarajevu odvijat će se kao kratkoročni *stand alone* treninzi, koji će se ponavljati ciklično, ovisno o potrebama i zahtjevima tržišta.

Ključni cilj aktivnosti Centra za cjeloživotno učenje Fakulteta političkih nauka Univerziteta u Sarajevu je podizanje nivoa kompetencija polaznika, te će u tom pogledu aktivnosti Centra za cjeloživotno učenje Fakulteta političkih nauka Univerziteta u Sarajevu biti izvođene kao praktični trening programi, prema andragoškim načelima.

Aktivnosti Centra za cjeloživotno učenje Fakulteta političkih nauka Univerziteta u Sarajevu mogu biti organizirane na inicijativu Centra za cjeloživotno učenje Fakulteta političkih nauka Univerziteta u Sarajevu, nastavnika i saradnika Fakulteta političkih nauka Univerziteta u Sarajevu, organizacionih jedinica/odsjeka Fakulteta političkih nauka Univerziteta u Sarajevu, Rektorata Univerziteta u Sarajevu, partnerskih institucija/organizacija sa kojima Centar za cjeloživotno učenje Fakulteta političkih nauka Univerziteta u Sarajevu ima potpisane sporazume o saradnji, ili na inicijativu zainteresiranih korisnika usluga (pojedinaca, grupa, organizacija i institucija koje iskazu potrebu za specifičnim treningom iz određene oblasti).

U pogledu finansiranja, aktivnosti Centra za cjeloživotno učenje Fakulteta političkih nauka Univerziteta u Sarajevu mogu biti: nekomercijalne (troškove organizacije i provođenja aktivnosti snosi Fakultet političkih nauka Univerziteta u Sarajevu, u saradnji sa partnerskim institucijama/organizacijama) i komercijalne (troškove organizacije i provođenja aktivnosti snose polaznici ili njihove institucije).

## **Član 6. - Organizacija Centra**

Centrom za cjeloživotno učenje Fakulteta političkih nauka Univerziteta u Sarajevu rukovodi Voditelj Centra za cjeloživotno učenje Fakulteta političkih nauka Univerziteta u Sarajevu Pored voditelja Centra, u Centru za cjeloživotno učenje Fakulteta političkih nauka Univerziteta u Sarajevu radi i sekretar Centra za cjeloživotno učenje Fakulteta političkih nauka Univerziteta u Sarajevu.

Za rad Centra, pored voditelja, odgovorno je Programsko Vijeće Centra za cjeloživotno učenje Fakulteta političkih nauka Univerziteta u Sarajevu, koje čini osam članova:

- Voditelj Centra
- Prodekan za naučno-istraživački rad
- Pet šefova Odsjeka FPN ili predstavnika koje imenuju Odsjeci
- Andragoški savjetnik

### **Član 7. – Programsko Vijeće Centra**

Programsko Vijeće Centra za cjeloživotno učenje Fakulteta političkih nauka Univerziteta u Sarajevu na početku akademske godine utvrđuje Kalendar aktivnosti i usvaja Katalog obrazovne ponude za tu akademsku godinu, koje predlaže voditelj Centra za cjeloživotno učenje Fakulteta političkih nauka Univerziteta u Sarajevu. Katalog obrazovne ponude i Kalendar aktivnosti usvaja Vijeće Fakulteta.

Programsko vijeće Centra za cjeloživotno učenje Fakulteta političkih nauka Univerziteta u Sarajevu na kraju akademske godine podnosi Vijeću Fakulteta Izvještaj o radu.

Programsko vijeće Centra za cjeloživotno učenje Fakulteta političkih nauka Univerziteta u Sarajevu također:

- Priprema dokumente vezane za rad Centra za cjeloživotno učenje Fakulteta političkih nauka Univerziteta u Sarajevu i predlaže ih Vijeću na usvajanje
- Pruža stalnu podršku nastavnicima i saradnicima FPN u pripremi, organizaciji i implementaciji programa cjeloživotnog učenja
- Usvaja Katalog obrazovne ponude Centra za cjeloživotno učenje Fakulteta političkih nauka Univerziteta u Sarajevu na početku svake akademske godine
- Usvaja Kalendar aktivnosti Centra za cjeloživotno učenje Fakulteta političkih nauka Univerziteta u Sarajevu na početku svake akademske godine
- Usvaja Smjernice za kreiranje obrazovne ponude/programa cjeloživotnog učenja Centra za cjeloživotno učenje Fakulteta političkih nauka Univerziteta u Sarajevu
- Usvaja Izvještaj o evaluaciji svakog održanog programa, kojeg podnosi Voditelj Centra za cjeloživotno učenje Fakulteta političkih nauka Univerziteta u Sarajevu

## **Član 8. – Voditelj Centra**

Voditelj Centra za cjeloživotno učenje Fakulteta političkih nauka Univerziteta u Sarajevu imenuje se iz reda nastavnog osoblja, najmanje u zvanju docenta. Voditelja Centra za cjeloživotno učenje Fakulteta političkih nauka Univerziteta u Sarajevu imenuje dekan, a potvrđuje Vijeće Fakulteta.

Voditelj Centra:

- Priprema Katalog obrazovne ponude i Kalendar aktivnosti na početku akademske godine
- Priprema Smjernice za kreiranje obrazovne ponude/programa cjeloživotnog učenja Centra za cjeloživotno učenje Fakulteta političkih nauka Univerziteta u Sarajevu
- Priprema Izvještaj o radu Centra za cjeloživotno učenje Fakulteta političkih nauka Univerziteta u Sarajevu na kraju akademske godine
- Pruža stalnu podršku nastavnicima i saradnicima FPN u pripremi, organizaciji i implementaciji programa cjeloživotnog učenja
- Provodi evaluaciju svakog održanog programa
- Saziva, priprema i vodi sjednice Programskog vijeća Centra za cjeloživotno učenje Fakulteta političkih nauka Univerziteta u Sarajevu
- Uz nositelja programa i dekana Fakulteta političkih nauka Univerziteta u Sarajevu potpisuje Certificate o učešću za sve učesnike obrazovnih programa
- Zadužen je za savjesno upravljanje prostorom i opremom Centra za cjeloživotno učenje Fakulteta političkih nauka Univerziteta u Sarajevu

## **Član 9. – Sekretar Centra**

Sekretar Centra za cjeloživotno učenje Fakulteta političkih nauka Univerziteta u Sarajevu imenuje se iz reda nastavnog osoblja Fakulteta, najmanje u zvanju višeg asistenta. Sekretar Centra za cjeloživotno učenje Fakulteta političkih nauka Univerziteta u Sarajevu:

- Pomaže voditelju Centra za cjeloživotno učenje Fakulteta političkih nauka Univerziteta u Sarajevu u izradi Kataloga obrazovne ponude i Kalendara aktivnosti
- Pomaže voditelju Centra za cjeloživotno učenje Fakulteta političkih nauka Univerziteta u Sarajevu u pripremi Izvještaja o radu Centra

- Administrativno podržava provedbu pojedinačnih programa
- Informira potencijalno zainteresirane o programima Centra za cjeloživotno učenje Fakulteta političkih nauka Univerziteta u Sarajevu
- Prima i evidentira prijave na pojedinačne programe
- Vodi evidenciju održanih programskih aktivnosti i participacije učesnika
- Pomaže voditelju Centra za cjeloživotno učenje Fakulteta političkih nauka Univerziteta u Sarajevu u provedbi evaluacije svakog programa
- Vodi zapisnik na sjednicama Programskog Vijeća Centra za cjeloživotno učenje Fakulteta političkih nauka Univerziteta u Sarajevu
- Pomaže Voditelju Centra za cjeloživotno učenje Fakulteta političkih nauka Univerziteta u Sarajevu u savjesnom upravljanju prostorom i opremom Centra za cjeloživotno učenje Fakulteta političkih nauka Univerziteta u Sarajevu

Pravne, tehničke, računovodstvene i druge poslove nužne za funkcionalno djelovanje Centra za cjeloživotno učenje Fakulteta političkih nauka Univerziteta u Sarajevu provode odgovarajuće službe Fakulteta.

#### **Član 10. – Prostor i oprema Centra**

Centar za cjeloživotno učenje Fakulteta političkih nauka Univerziteta u Sarajevu raspolaže zasebnim prostorom u zgradi Fakulteta političkih nauka Univerziteta u Sarajevu, opremljenim prema andragoškim standardima sa:

- Stolom sa 20 stolica
- Laptopom i projektorom
- Flipchartom
- Zidnom magnetnom tablom
- Moderacijskim koferom
- Printerom i skenerom

Kao i ostalom opremom i materijalima za kojima se ukaže potreba.

Oprema za rad Centra za cjeloživotno učenje Fakulteta političkih nauka Univerziteta u Sarajevu nabavlja se sredstvima Fakulteta, sredstvima od komercijalnih programa Centra za

cjeloživotno učenje Fakulteta političkih nauka Univerziteta u Sarajevu, donatorskim sredstvima.

Voditelj Centra za cjeloživotno učenje Fakulteta političkih nauka Univerziteta u Sarajevu i sekretar Centra zaduženi su za prostor Centra za cjeloživotno učenje Fakulteta političkih nauka Univerziteta u Sarajevu i njegovo odgovorno upravljanje.

### **Član 11. – Implementatori programa Centra**

Programi Centra za cjeloživotno učenje Fakulteta političkih nauka Univerziteta u Sarajevu su kratkoročni, non-degree programi, koje izvode nastavnici i saradnici Fakulteta političkih nauka Univerziteta u Sarajevu.

Ukoliko se ukaže potreba, za implementaciju programa Centra za cjeloživotno učenje Fakulteta političkih nauka Univerziteta u Sarajevu moguće je angažiranje saradnika iz drugih obrazovnih institucija, organizacija ili profesionalaca iz prakse.

Angažman spoljnih saradnika predlaže nositelj programa, a odobrava Programsko vijeće Centra za cjeloživotno učenje Fakulteta političkih nauka Univerziteta u Sarajevu i Vijeće Fakulteta.

Implementatori programa Centra za cjeloživotno učenje Fakulteta političkih nauka Univerziteta u Sarajevu odgovorni su za:

- Predlaganje programa treninga
- Pripremu syllabusa treninga
- Pripremu didaktičkog materijala i potrebne literature
- Izvođenje programa treninga
- Evaluaciju programa u saradnji sa sekretarom i voditeljem Centra za cjeloživotno učenje Fakulteta političkih nauka Univerziteta u Sarajevu

Implementatori programa Centra za cjeloživotno učenje Fakulteta političkih nauka Univerziteta u Sarajevu prije predlaganja programa i pristupanja ostalim aktivnostima moraju proći program andragoške obuke, odnosno trening trenera, kojeg provodi andragoški savjetnik Centra za cjeloživotno učenje Fakulteta političkih nauka Univerziteta u Sarajevu, u saradnji sa

voditeljem Centra za cjeloživotno učenje Fakulteta političkih nauka Univerziteta u Sarajevu i sekretarom Centra za cjeloživotno učenje Fakulteta političkih nauka Univerziteta u Sarajevu.

### **Član 12. – Usvajanje Kataloga obrazovne ponude Centra**

Na početku akademske godine Voditelj Centra za cjeloživotno učenje Fakulteta političkih nauka Univerziteta u Sarajevu provodi anketu o interesu za održavanje programa cjeloživotnog obrazovanja među svim nastavnicima i saradnicima, dostavljajući im obrazac za izradu syllabusa programa cjeloživotnog obrazovanja.

Po dobivanju povratnih informacija od nastavnika i saradnika, odnosno po primitku syllabusa, voditelj studija kreira Katalog obrazovne ponude Centra za cjeloživotno učenje Fakulteta političkih nauka Univerziteta u Sarajevu za tekuću godinu. Katalog se, nakon usvajanja od strane Programskog vijeća Centra za cjeloživotno učenje Fakulteta političkih nauka Univerziteta u Sarajevu i Vijeća Fakulteta, oglašava na web siteu FPN, te šalje putem elektronske pošte svim potencijalno zainteresiranim institucijama/organizacijama/kompanijama i pojedincima.

### **Član 13. – Katalog obrazovne ponude Centra**

Katalog obrazovne ponude Centra Centra za cjeloživotno učenje Fakulteta političkih nauka Univerziteta u Sarajevu sadrži listu svih ponuđenih programa. Uz naziv programa, neophodno je da katalog precizno definira i podatke o svakom programu, koje za svaki program kreira nositelj programa, a koji uključuje:

- Naziv programa
- Ime nositelja programa i učesnika u izvođenju programa
- Vrstu programa (kurs, seminar, trening itd.)
- Ciljeve programa
- Ishode/kompetencije koje će polaznici steći nakon završetka programa (a koje se upisuju na Certifikat)
- Ciljnu grupu programa
- Uslove upisa na program
- Da li je program komercijalni ili nekomercijalni

- U slučaju kad je program komercijalni, cijenu programa
- Broj sati izvođenja programa
- Sadržaj programa
- Da li je predviđena provjera znanja/kompetencija na kraju programa i ako da, na koji način
- Biografiju nosioca programa

#### **Član 14. – Kalendar aktivnosti Centra**

Kalendar aktivnosti Centra za cjeloživotno učenje Fakulteta političkih nauka Univerziteta u Sarajevu definira vrijeme izvođenja programa, odnosno precizno propisuje da li se jedan određeni program izvodi jednom ili u više ciklusa godišnje, a što predlaže nositelj programa, a uvjetovano je i samim interesom polaznika.

Kalendar aktivnosti Centra Centra za cjeloživotno učenje Fakulteta političkih nauka Univerziteta u Sarajevu usvaja Programsko vijeće Centra za cjeloživotno učenje Fakulteta političkih nauka Univerziteta u Sarajevu, te Vijeće Fakulteta političkih nauka Univerziteta u Sarajevu.

#### **Član 15. – Smjernice za kreiranje obrazovne ponude Centra**

U skladu sa članom 9 Zakona o obrazovanju odraslih Kantona Sarajevo, kratkoročni programi formalnog obrazovanja su programi usavršavanja i osposobljavanja.

Programsko vijeće Centra za cjeloživotno učenje Fakulteta političkih nauka Univerziteta u Sarajevu svake godine definira Smjernice za kreiranje obrazovne ponude/programa cjeloživotnog učenja Centra za cjeloživotno učenje Fakulteta političkih nauka Univerziteta u Sarajevu.

Smjernice za kreiranje obrazovne ponude/programa cjeloživotnog učenja Centra za cjeloživotno učenje Fakulteta političkih nauka Univerziteta u Sarajevu razvijaju se u skladu sa potrebama ciljnih skupina, odnosno obrazovnog tržišta,

Smjernice za kreiranje obrazovne ponude/programa cjeloživotnog učenja Centra za cjeloživotno učenje Fakulteta političkih nauka Univerziteta u Sarajevu definiraju oblasti u

kojima se izvode programi cjeloživotnog učenja na Fakultetu političkih nauka Univerziteta u Sarajevu, te propisuju format syllabusa za programe cjeloživotnog učenja, koji se dostavlja svim nastavnicima i saradnicima na početku svake akademske godine.

Oblasti u kojima se izvode programi cjeloživotnog učenjasu direktno vezane uz primarne aktivnosti i matičnost odsjeka unutar Fakulteta političkih nauka Univerziteta u Sarajevu, a u najširem smislu mogu uključivati sljedeće aktivnosti, prema odsjecima (zasnovano na Frascati klasifikaciji):

- Odsjek Politologija: upravljanje državom, međunarodni odnosi, diplomatija, lokalna samouprava, administrativno i kancelarijsko poslovanje, razvoj politika iz različitih oblasti, politički marketing, istraživanje političkog tržišta, politička pismenost ...
- Odsjek Sociologija: metodologija socioloških istraživanja, istraživanja u oblasti kulture, umjetnosti, religije, međureligijski dijalog, demografska istraživanja, obuka i usavršavanje nastavnika u području odgojno-obrazovnog rada, metodike itd. ...
- Odsjek Komunikologija: novinarske metode i tehnike, rad u medijima, odnosi s javnostima, odnosi s medijima, izborne kampanje, menadžment u medijima, izvještavanje o različitostima, medijska pismenost, javni nastup ...
- Odsjek Socijalni rad: razvoj socijalnih politika, socijalno planiranje, rad sa osjetljivim skupinama (djeca, mladi, osobe treće životne dobi, rizične skupine...)....
- Odsjek Sigurnosne i mirovne studije: menadžment u oblasti sigurnosti, upravljanje konfliktima obuka i usavršavanje nastavnika u području odgojno-obrazovnog rada, metodike itd. ...<sup>1</sup>

Pored navedenih oblasti, programi cjeloživotnog učenja uključivat će i različite interdisciplinarne programe (koje mogu organizirati odsjeci kroz međusobnu saradnju ili se mogu organizirati u saradnji sa drugim fakultetima, univerzitetima, profesionalnim udruženjima i slično), kao i programe podizanja općih kompetencija (poput programa osposobljavanja za npr. timski rad, liderstvo, pregovaranje, administrativne poslove itd.)

---

<sup>1</sup> Sve navedene oblasti izvedene su iz Frascati klasifikacije, ali će detaljno biti razmotrene i dopunjene/izmijenjene na sjednicama Odsjeka FPN i usvojene na sjednici Programskog Vijeća Centra, te unesene u Pravilnik o radu Centra i Smjernice za razvoj obrazovne ponude/programa cjeloživotnog učenja FPN..

## **Član 16. Evaluacija programa Centra**

Evaluacija programa Centra za cjeloživotno učenje Fakulteta političkih nauka Univerziteta u Sarajevu provodi se na kraju svakog programa, prema jedinstvenom obrascu za evaluaciju.

Obrazac za evaluaciju predlaže voditelj Centra za cjeloživotno učenje Fakulteta političkih nauka Univerziteta u Sarajevu, a usvaja Programsko vijeće Centra.

Evaluacijski obrazac popunjavaju svi polaznici programa. Za provođenje evaluacije zadužen je sekretar Centra za cjeloživotno učenje Fakulteta političkih nauka Univerziteta u Sarajevu.

O rezultatim svake provedene evaluacije svakog pojedinačnog programa voditelj Centra za cjeloživotno učenje Fakulteta političkih nauka Univerziteta u Sarajevu informira nositelja programa i Programsko vijeće Centra za cjeloživotno učenje Fakulteta političkih nauka Univerziteta u Sarajevu, koje može sugerirati izmjene i unaprjeđenja u izvedbi programa, ali i donijeti odluku o neizvođenju programa ukoliko je on ocijenjen izrazito negativnim ocjenama u najmanje dva evaluacijska ciklusa (nakon dva izvođenja programa).

## **Član 17. - Certificati**

Certifikati se dodjeljuju polaznicima programa na kraju svakog programa.

Certifikati obavezno moraju sadržavati:

- Ime i prezime polaznika
- Naziv i trajanje programa
- Ključne kompetencije koje je program osnaživao
- Potpis nositelja programa, voditelja Centra i dekana FPN

Certifikati se smatraju dokumentom s pravom važenja, budući da ih izdaje registrirana institucija formalnog obrazovanja (Fakultet političkih nauka Univerziteta u Sarajevu), te ih potpisuje ovlaštena osoba (dekan Fakulteta) uz odgovarajući pečat (pečat Fakulteta).

## **Član 18. Finansiranje Centra**

Centar za cjeloživotno učenje Fakulteta političkih nauka Univerziteta u Sarajevu finansira se iz vlastitih sredstava, ostvarenih komercijalnim programima, donacijama ili apliciranjem na komercijalne projekte.

Iz sredstava Centra za cjeloživotno učenje Fakulteta političkih nauka Univerziteta u Sarajevu finansira se angažman nositelja trening programa, operativni troškovi Centra za cjeloživotno učenje Fakulteta političkih nauka Univerziteta u Sarajevu ( štampanje sertifikata, izrada promo materijala, naknade za voditelja i sekretara Centra za cjeloživotno učenje Fakulteta političkih nauka Univerziteta u Sarajevu, članova Programskog vijeća i drugi operativni troškovi), te ostali troškovi podrške Fakulteta Centru (komunalije, angažman osoblja FPN – računovodstvo, pravna i druge službe).

Raspodjela sredstava Centra za cjeloživotno učenje Fakulteta političkih nauka Univerziteta u Sarajevu definira se prema projektnim budžetima.

U načelu, finansiranje je raspoređeno po sljedećem modelu:

- 40% - troškovi Centra za cjeloživotno učenje Fakulteta političkih nauka Univerziteta u Sarajevu
- 30% nositelji trening programa
- 30% troškovi Fakulteta političkih nauka

## **Član 19. Podračun Centra**

Centar za cjeloživotno učenje Fakulteta političkih nauka Univerziteta u Sarajevu raspolaže zasebnim podračunom. Sve naloge za isplatu sa navedenog računa potpisuju Voditelj Centra za cjeloživotno učenje Fakulteta političkih nauka Univerziteta u Sarajevu i dekan Fakulteta političkih nauka Univerziteta u Sarajevu.

## **Član 20. Upravljanje sredstvima Centra**

Budžet Centra za cjeloživotno učenje Fakulteta političkih nauka Univerziteta u Sarajevu i Izvještaj o ostvarenju budžeta usvaja se na početku i na kraju svake godine na sjednici Vijeća Fakulteta političkih nauka Univerziteta u Sarajevu.

## **Član 21. Logo i vizuelni identitet Centra**

Puni naziv Centra je Centar za cjeloživotno učenje Fakulteta političkih nauka Univerziteta u Sarajevu. Akronim Centra je CCU- FPN.

Centar za cjeloživotno učenje Fakulteta političkih nauka Univerziteta u Sarajevu koristi logo Fakulteta političkih nauka Univerziteta u Sarajevu, uz koji stoji i oznaka Centar političkih nauka Univerziteta u Sarajevu.

Centar za cjeloživotno učenje Fakulteta političkih nauka Univerziteta u Sarajevu koristi pečat Fakulteta političkih nauka Univerziteta u Sarajevu.

Potpisnici svih dokumenata vezanih za Centar za cjeloživotno učenje Fakulteta političkih nauka Univerziteta u Sarajevu su Voditelj Centra za cjeloživotno učenje Fakulteta političkih nauka Univerziteta u Sarajevu i dekan Fakulteta političkih nauka Univerziteta u Sarajevu.

## **Član 22. – Stupanje na snagu Pravilnika o radu Centra**

Pravilnik o radu Centra za cjeloživotno učenje Fakulteta političkih nauka Univerziteta u Sarajevu stupa na snagu osam dana po usvajanju od strane Vijeća Fakulteta političkih nauka Univerziteta u Sarajevu.

## **Član 23. – Izmjene i stavljanje van snage Pravilnika o radu Centra**

Izmjene Pravilnika o radu Centra za cjeloživotno učenje Fakulteta političkih nauka Univerziteta u Sarajevu može predložiti voditelj Centra za cjeloživotno učenje Fakulteta političkih nauka Univerziteta u Sarajevu ili dekan Fakulteta političkih nauka Univerziteta u Sarajevu.

Stavljanje van snage Pravilnika o radu Centra za cjeloživotno učenje Fakulteta političkih nauka Univerziteta u Sarajevu može predložiti voditelj Centra za cjeloživotno učenje Fakulteta političkih nauka Univerziteta u Sarajevu ili dekan Fakulteta političkih nauka Univerziteta u Sarajevu.

Sarajevo, .... juli 2017.

---

Prof.dr. Lejla Turčilo

Voditeljica Centra za cjeloživotno učenje

Fakulteta političkih nauka

Univerziteta u Sarajevu

---

Prof.dr. Šaćir Filandra

Dekan

Fakulteta političkih nauka

Univerziteta u Sarajevu